



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 27. De veste nuptiali.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)


MEDITATIONVM. 505

er cum eo in oratione, & meditatione collo-  
quaris. 2. Templum, quæ domus eius est, cre-  
bro adeas. 3. peccata tua etiam secretissima ipsi  
per vicarium confitearis. 4. SS. communionem  
sæpe usurpes. 5. si manera alia offerre nequeas,  
aut eleemosynas in pauperibus, saltem omnia  
opera tua offer ad eius gloriam, & maiora ad-  
huc animo concipias.

4. *Diliges proximum*: hoc est, non tantum  
amicum, vel Christianum quemlibet, vel tibi  
notum; sed omnes homines, tam notos quam  
ignotos; amicos, & inimicos, fideles, & infide-  
les: quia omnes ad eius imaginem creati sunt,  
& eiusdem parentis Adæ filii, pro quibus om-  
nibus debemus orare, offensas condonare bo-  
naq; temporalia, ac spiritalia illis precari, quia  
pro his item omnibus Christus mortuus est.

5. *Huius simile*: tam enim necessaria est  
nobis proximi dilectio, vt sine ea Deus ipse  
diligere nō possit: dicete Apostolo 1. Ioan 4. *Qui  
non diligit fratrem, quem videt, DEVM,  
quem non videt, quomodo potest diligere?*

6. *In his duobus vniuersa lex pendet &c.*  
non quod alia nulla præcepta sint; sed quia om-  
nium, quæ præcipiuntur, consuluntur, prohi-  
bentur, promittuntur, docentur &c. in scrip-  
tura vel prophetis, finis est dilectio Dei &  
proximi, sine qua, opera etiam optima nil  
profunt ad salutem: vt proinde ad eam, vt fi-  
dem omnia omnino dirigenda sint.



MEDITATIO XXVII.  
DE VESTE NVPTIALI.  
PVNCTA MEDITATIONIS.

*L. Dixit Iesus parabolā. Rex ad nuptias* Mat. 26,  
*filii*

filij, vocauit multos: quidam abierunt, neglexerunt, alij nuncios occiderunt.

II. Rex iratus perdidit homicidas, atq; in viis publicis alias vocauit, donec impleta sunt nuptia discumbentium.

III. Rex visitans videt vnum non vestitum veste nuptiali, & ait: amice, quomodo hic intraisti &c. mandat ministris vt eijciant in tenebras.

---

F I G V R Æ.

*Esth. 1. c.* **A**SSVERVS Rex, anno tertio regni sui, fecit grande conuiuium, cunctis principibus 180. diebus, vt ostenderet diuitias gloriae, & magnitudinem atque iactantiam potentia suae.

*4. Re. 25* Vrbs Hierusalem, cum Hieremiam aliosque prophetas ad se missos contemneret, tandem in ultionem peccatorum à Nabuzardam principe militiae Assyriorum euerfa est, populo in captiuitatem conducto.

---

P R O P H E T I Æ.

*Prou. 1. 24.* **Q**Via vocaui, & renuistis; extendi manum meam, & non fuit, qui aspiceret. Despexistis omne consilium meum. Ego quoque in interitu vestro ridebo.

Quomo-

Quomodo facta est meretrix ciuitas fidelis? Iustitia habitauit in ea; nunc autem *Isa. I. 21.* homicida &c. propter hoc consolabor super hostibus meis, & de inimicis meis vindicabor.

## DOCUMENTA.

1. **R**EX fecit nuptias. Hæ nuptiæ factæ sunt, quando filius Dei carnem assumpsit ex B. Virgine. Ad has tu pariter cum alijs vocatus es; & quicumque veniunt, Christum fide viuam suscipientes fiunt amici, domestici & filii Dei, donorum spiritus Sancti participes.
2. *Misit seruos, &c.* hæc inuitatio facta est initio Ecclesiæ per SS. Apostolos, virosque Apostolicos, durabitque usque ad finem mundi; cum semper vel noui populi conuertantur, vel filij ex Christianis nati, fidem suam vel alienam voluntate suscipiantur.
3. *Illi neglexerunt & abierunt &c.* Duo genera hominum hic notantur, scilicet viliam visentes & negotiatores, quibus designantur superbi & auari, qui sunt, aucupandis honoribus aut cumulandis huius sæculi opibus nimium addicti: quorum vtrunque caue, si ad nuptias illas cœlestes aliquando peruenire desideras.
4. *Reliqui tenuerunt seruos, & occiderunt, &c.* Tales fuerunt tyranni, aut crudeles homines, qui SS. Apostolos aliosque viros Apostolicos contumeliis affecerunt (a se eicientes) aut etiam varijs supplicijs affectos occiderunt. Tales etiam sunt hodieque inter Christianos, qui diuinas inspirationes, è concione,

lectione spirituali, aut aliunde susceptas, & tanquam Dei nuncios ad se missas, cum summa ingratitude (propter amorem parvum) honorum, voluptatum &c. à se reiciunt, & peccatis etiam gravissimis (contra conscientiam fugillantem, commissis) eas, quantum in se est, occidunt, ac data opera suffocant. Tales item sunt, qui concionatores, à mundi voluptatibus, vanitatibus &c. auolantes & ad caelestia, virtutum amorem, frequentem Sacramentorum usum inuitates derident atq; odio prosequuntur; quiq; alios pietati magis deditos, ac virtutis, sacrorum mysteriorum, aliorumque exercitiorum studiosiores, sanis ludibrijsque proscindunt. Quorum ut ingens numerus, ita maxime cauendus; ne tu communi quasi exitio inuoluaris.

5. *Perdidit homicidas.* Sicut Deus olim Hierosolymis primos Tyrannos, Apostolorum ac Christianorum hostes gravissime ultus est, multis calamitatibus in hac vita affligendo ac postmodum ad aeterna inferorum supplicia condemnando; ita etiam impios Christianos, & in hac vita calamitatibus diversis obruet, & in futura, iisdem suppliciis, aut etiam gravioribus quam Gentiles ipsos addicet; eo quod ipsi & maiorem Dei cognitionem habuerint, & plures salutis consequendae rationes obstinate reiecerint, sponte sua in paratum sibi interitum ruentes.

6. *Congregauerunt bonos & malos.* In horum superbiorum & ambitiosorum locum successerunt humiles ex Spiritu qui humilitate sua, & mundi contemptu DEO placuerunt.

7. Nectamen omnes saluantur: quia sunt quidam, qui consententur communicant, orant, &c. sed

&c, sed sine veste nuptiali, sine caritate & intentione pura: tales etiam à Deo puniuntur.



MEDITATIO XXVIII.  
DE FILIO REGVLI.

PVNCTA MEDITATIONIS.

- I. *Regulus rogat Iesum vt descendat Ioan. 4.  
& sanet filium incipientem mori.*
- II. *IESV dicente: nisi signa & prodigia videritis, nõ creditis: magis viget pater, vt descendat &c.*
- III. *Christo dicente: vade, viuit filius; abijt; & audiens eadem hora sanum factum credit ipse & domus tota.*

---

F I G V R Æ.

**C**um Elias suscitasset filium viduæ Sa-  
ceptanæ, illa dixit. In isto cognoui  
quia vir Dei es tu. 3. Reg. 17  
24.

Sunamitis, recepto ad preces Elisæi fi-  
lio, corruit ad pedes eius, & adorauit su-  
per terram. 4. Reg. 4  
17.

---

P R O P H E T I Æ.

**I**mple facies illorum ignominia, & qua-  
rent legem. Psal. 82.  
17.

X 2

Cum